



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

12. Dies Junii. Nihil citiùs hominem pervertit, quàm alter homo. Oleaster in  
Numer. 33.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

## 12. DIES JUNII.

Nihil citiùs hominem pervertit, quàm alter homo. *Oleaster in Numer. 33.*

Confor- I.  
tium pra-  
vum de-  
clinandū.

**U**T sit tibi cum virtute com-  
mercium, cave habeas cum  
virtutis inimicis contuberniū.  
Nihil enim homini nocentiùs

est homine: ideoque nulli tibi magis sunt vitandi,  
quàm qui sunt pravæ vitæ. Ut homo homini est lu-  
pus, sic pravus socius idem est socio, quod avis  
viscus, quod piscibus hamus. Qui cum lippis assidue  
degit, fit lippus, & qui juxta claudum ambulat, discit  
subclaudicare: serpunt enim ut corporis, sic & ani-  
mi contagia, & inficere suâ vicinitate proximos so-  
lent. Serpunt vitia, & transfiliunt in vicina. Nocent  
non modò contactu, sed conspectu. Minuta quæ-  
dam animalia ut sensit Phædon, non sentiuntur, cum  
mordent. Tumore solùm morsus indicatur, nullo  
in ipso tumore, apparente vulnere. Idem accidit in  
conversazione improborum, qui non videntur no-  
cere, sentiuntur nocuisse. Incendent libidines tuas a-  
dulterarum consortia. Avarus corruptor, sævus,  
fraudulentus, si propè te sint, mox intra te sunt. Ut  
quædam ad contactus corporis vitia transfiliunt, ita  
animus mala sua proximis tradit. Ebriosus contu-  
bernales in amorem Bacchi traxit, impudicus in Ve-  
neris retia pellexit. Avaritia in proximos, virus suum  
transtulit.



II. Rerum natura sic est, ut quoties bonus conjungitur malo, non ex bono malus fiat melior, sed ex malo bonus fiat deterior. Ante ignem consistens, si licet ferreus, tandem dissolveris; sic proximus periculo, est proximus exitio. Semper autem est proximum periculum, ubi est malum consortium. Hinc melius est habere malorum odium, quam consortium; quia facile fit socius sceleris, cui est societas cum sceleratis. Miraris? vim præcepti obtinet frequenter aspici, frequenter audiri. Malus enim, non tantum ut mala facias commendat, sed mandat. Quis semper indulget suo genio, si tibi sit convictor, paulatim enervat ingenium, emollit animum. Cum illis igitur conversare, vel qui te facturi sunt meliorem, vel quos tu potes facere meliores. Antè circumspiciendum est, cum quibus edas, & bibas, quam quid edas, aut bibas. Scitè admodum B. Hilarius (a) *Habemus laqueos in hominibus male adhortationis, periculosi exempli, & elicitæ necessitatis, cum nos ad voluptatem adhortantur.* Vocat laqueos elicitæ necessitatis, quod propter vim potentissimam exempli, & illicitum malæ consuetudinis, pereundi propè necessitatem adferant, scelerisque imitandi.

III. Sed inter discinctos nepotes, illi ut scopulorum remis, velisque sunt fugiendi, qui dejectis boni pudoris claustris, molestiæque repagulis, non modè in sceleribus delectantur, sed de iis sceleratè gloriantur, nudaque fronte planè jam effrontes, sese jactant, & cum flagitiosè peccaverint, tum se puram quandam turpitudinum palmam consecutos. De illis loquitur, qui olim cum illis loquebatur. S. Augustinus

(a) In Psal. 140.



Junius.

Tessera.

451

gustinus, cum ait puduisse eos minoris dedecoris, quasi esset decus, commisisse scelus, dedecus, non esse lcelestum: tum addit de se. (a) *Fingebam me fecisse, quæ non feceram, ne viderer abiectior, quo eram innocentior, & ne vilior haberer, quo eram castior.* Quid probrosius, quàm ex flagitiorum infamia, aucupari famam, quàm ex facinoribus in gloriis, venari gloriam? Horum proprium est impudenti procacitate, sanctissima quæque irridere, elevare divina judicicia, monita sapientum aspernari, odisse monitores, illudere aliorum verecundiæ, damnare Bonitatem, condemnare bonos. Et quoniam placuit semel graviter esse impudentes, non jam cuniculis, sed apertis januis omnes intromittunt voluptates, & malè agendi consuetudine, non cursu feruntur in malum, sed impeturuunt. (a) *Quibus ait D. Paulinus, dulce est quod amarum, & turpe quod castum, & hostile quod sanctum.* De hujusmodi loquitur togæ decus Seneca, quos & locat in fastigio quodam infælicitatis. *Tunc consummata est infælicitas, ubi turpia non solum delectant, sed placent.* Tales ne Deo displiceas, non tibi placeant. Quod facies, si morem geras suadenti, & canenti Poëta:

*Illos devita, quos infamat mala vita.*

### 13. DIES JUNII.

Definit esse remedio locus, ubi quæ fuerunt vitia, mores sunt. *Seneca Epist. 39*

F f 2

I. Ve-

(a) *L. 2. Confess. c. 3. (b) Epist. 7. ad Sever.*